



陸游年譜

人民文學出版社

陆 游 年 谱

欧 小 牧

人 民 文 学 出 版 社

一 九 八 一 年 · 北 京

封面设计： 吴清江

陆游年谱

人民文学出版社出版

(北京朝内大街166号)

新华书店北京发行所发行

北京房山印刷厂印刷

字数187,000 开本787×1092毫米 $\frac{1}{32}$ 印张11 $\frac{1}{8}$ 插页3

1981年7月北京第1版

1981年7月北京第1次印刷

印数 0,001—9,000

书号10019·3167 定价1.10元

出版說明

陸游，是我國南宋時代最傑出的詩人。他生于靖康事變的前兩年——徽宗宣和七年，卒於寧宗嘉定三年，享年八十六歲（一一二五——一二二〇）。當時，宋朝北方爲金國所占領，南宋朝廷貪樂苟安，面對患難叢生、風雨飄搖的祖國局勢，眼看着飽受金人蹂躪的遺民、流離轉徙的父老，詩人在夢中也時常發出抗敵的呼聲。他的近萬首詩篇，反映了南宋大半個時代，可以說是一部詩史。

本譜在清人趙翼、錢大昕所編舊譜的基礎上，作了進一步的考訂，並逐年補入政治上的較重大事件以及詩人的宦游經歷。有關詩文的引錄，都註明卷數篇名，以便查對。末了，並附有著作目錄及著作系年，爲研究陸游及其創作提供了一些有參考價值的資料。

本書系統本社一九五八年紙型印行，特此說明。



陆放翁先生画像

陸游像：據國粹學報第三年第一冊所載宋愛國詩人陸放翁像複製。原有跋文如下：

陸放翁紀夢詩云：『團扇家家畫放翁。』此老前身合是天邊明月，團團影裏，見彼豐儀。楊吳興題雷上茅元儀家藏本句云：『劍南豐彩於今見，團扇沉思紀夢詩。』清峰上人以紈素屬寫，取茅氏本髣髴之想，供之千佛經前，又增得一幅阿羅漢像也。

崇禎八年五月

石齋黃道周

右像係石刻團扇本，石齋黃公所寫，有蘇齋篆書題額。

丁未四月吳江後學沈塘敬摹

陸游（放翁）先生年譜目錄

譜前

陸放翁先生畫像

陸放翁先生家世世系表附

陸佃傳

陸佃著作目陸宰附

陸游傳

陸放翁先生外家事蹟

正文

卷一 公元一一二五—一一五六
先生一歲—三十二歲

卷二 公元一一五七—一一六九
先生三十三歲—四十五歲

卷三 公元一一七〇—一一七八
先生四十六歲—五十四歲

陸游（放翁）先生年譜目錄

卷四 公元一一七九——一一八九
先生五十五歲——六十五歲

卷五 公元一一九〇——一一九九
先生六十六歲——七十五歲

卷六 公元一二〇〇——一二一〇
先生七十六歲——八十六歲

譜後

陸放翁先生著作目錄

陸放翁先生著作系年附統計表

陸放翁先生不系年文

陸放翁先生不系年詞

本譜參考書目

後記

一五九

一九八

二三四

三七六

二八〇

二九四

三三六

三三九

三四三

三四九

陸放翁先生家世

陸氏大墓表：『……忻……是爲某之七世祖。……郁……是爲某之六世祖。……昭……是爲某之五世祖。……四世祖太傅公。……先大父楚公。……』文集卷三十九

右朝散大夫陸公墓誌：『……公諱寀，字元珍。……曾祖吏部郎中，直昭文館，贈太傅，諱軫；太傅兩子：伯曰萬載，縣令諱琪，縣令生宿州符離縣主簿贈朝奉大夫儼。仲曰國子博士贈太尉諱珪，實生楚公，仕至尙書左丞，諱佃。公，楚公第五子；大夫（儼）早卒，無嗣子，楚公命公後焉。……四男子：濱、淙、浚、渲。……』文集卷三十二

奉直大夫陸公墓誌銘：『吳郡陸氏，方唐盛時，號四十九枝，太尉枝最盛；唐末，自吳之嘉興，東徙錢塘；吳越王時，又徙山陰魯墟。宋祥符中，贈太傅諱軫，以進士起家。……太傅生國子博士贈太尉諱珪；太尉生尙書左丞贈太師楚國公諱佃；太師生中散

大夫贈少師諱寘；少師八子：……公諱洸，字子光，少師第四子。……」文集卷三十五

陸郎中墓誌銘：「公諱沅，字子元；曾太父珪，……大父佃；攷寘，右中散大夫，

贈少師。公於某爲從父兄，某蓋少公十五歲。……」文集卷三十四

浙東安撫司參議陸公墓誌銘：「……陸靜之、伯山；……仲弟升之、伯高；……曾

大父珪、……大父佃、中大夫，攷長民、左朝請大夫，尙書右司員外郎。……」文集卷三十三

跋陳伯予所藏樂毅論：「某之從父兄故黃州使君，諱洸，字子東。……」文集卷三十一

令人王氏壙記：「……子子虞、子龍、子燦（修）、子坦、子布、子聿（遙）、……」

文集卷三十九

跋修心鑑

右高祖太傅公修心鑑一篇。初：公生七年，家貧未就學，忽自作詩，有神仙語，觀者驚焉。晚自號朝隱子。嘗退朝，見異人行空中，足去地三尺許，邀與俱歸；則古仙人嵩山栖真施先生肩吾也。因受鍊丹辟穀之術，尸解而去。然其術秘不傳。今惟此書尙存，某既刻板傳世，并以七歲吟及自贊，附卷末；庶幾篤志方外之士讀之，有所發焉。

亦公之遺意也。隆興二年，七月二日，元孫某謹書。文集卷二十七

詩稿卷五十六，歲晚幽興、自註：先太傅親受三任銘字施肩吾先生，授游曰：『汝其累世相傳，毋忽！』因卽以傳聿虛諸子。

跋世父大夫詩稿

世父大夫公，自幼得末疾，以左手作字，性喜鈔書，嘗鈔王岐公華陽集百卷，筆筆無倦意，豈特其書可貴重哉，亦可見其爲人矣！

文集卷二十七，先左丞使遼語錄：『右先楚公使遼語錄一卷，三十八伯父手書，伯父自幼被疾，以左手書……』按：伯父名寔。

老學庵筆記卷二：『伯父通直公，字元長，病右臂，以左手握筆，而字法勁健過人。……』

以下老學庵筆記

先太傅自蜀歸，道中遇異人，自稱方五；太傅曰：『先生乃西山施先生肩吾也，』遂授道，蓋施公、睦州桐廬人；太傅晚乃自睦守挂冠，蓋有緣契矣。

先太傅慶曆中賜紫章服，赴闕門拜賜，乃塗金魚袋也；豈官品有等差歟？

予童子時，見前輩猶繫頭巾帶，于前作胡桃結。背子背及腋下，皆垂帶。長老言：背子率以紫勒帛繫之，散腰則謂之不敬。至蔡太師爲相，始去勒帛。又祖妣楚國鄭夫人，有先左丞遺服一篋，袴有繡者，白地白繡，鵝黃地鵝黃繡，裹肚則紫地阜繡。祖妣云：當時士大夫皆然也。

先左丞平居朝章之外，惟服衫帽；歸鄉墓，客來，亦必著帽與坐，延以酒食。伯祖中大夫公，每赴官，或從其子出仕，必著帽，遍別鄰曲；民家或留以酒，亦爲盡歡，未嘗遺一家也，其歸亦然。

元豐七年秋宴，神廟舉御觴示丞相王岐公以下，忽暴得風疾，手弱觴側，餘酒霑汗御袍，是時京師方盛歌側金盞，皇城司中官以爲不祥，有歌者輒收繫之，由是遂絕。先楚公進裕陵挽詞有云：『輅從元朔朝時破，花是高秋宴後萎』二句，皆當時實事也。

祖母楚國夫人，大觀庚寅在京師，病累月，醫藥莫效；雖名醫如石藏用輩，皆謂難治。一日有老道人，狀貌甚古，銅冠緋旆，一丫髻童子，操長柄白紙扇從後。過門，自言疾無輕重，一灸立愈。先君延入，問其術？道人探囊出少艾，取一瓠灸之，祖母方

臥，忽覺腹間痛甚，如火灼。道人自言九十歲。遂徑去，追之，疾馳不可及。祖母是時未六十，復二十餘年，年八十三，乃終。祖母沒後又二十年，從兄子楫，監三江鹽場，偶飲于士人毛氏，忽見道人，衣冠及童子，悉如祖母平日所言，方愕然。道人忽自言京師灸輒事，言訖，遽遯去，遍尋不可得。毛君云：其妻病，道人爲灸屋柱十餘壯，病脫然愈，方欲謝之，不意其去也。世或疑神仙，以爲渺茫，豈不謬哉？

先伯祖中大夫，平生好墨成癖，如李廷珪，張遇以下皆有之。李黃門邦直在真定，嘗寄先左丞以陳贍墨四十笏，盡以爲伯祖壽。晚年擇取尤精者，作兩小篋，常置臥榻，愛護甚至。及下世，右司伯父舉篋以付通判叔父曰：『先人所寶，汝宜謹藏之。』不取一笏也。

……從伯父右司，小名馬哥。在京省祖母楚國夫人，出，上馬矣；楚國偶有所問，自出屏後呼馬哥。親事官聞之，白伯父曰：『夫人請吏部！』蓋此輩亦習聞之也。……前輩遇通家子弟，初見請納拜者，既受之，則設席望其家，遙拜其父祖，乃就坐。先君尙存之。

先夫人幼多在外家晁氏，言諸晁讀杜詩：『穉子也能賒，』『晚來幽獨恐傷神，』也

字恐字，皆作去聲讀。

文集卷三十、跋諸晁帖：『某之外大母清豐君，實巨茨先生女兄，而墓刻則景迂先生所作。

……』巨茨先生卽晁冲之叔用；景迂，說之，字以道也。冲之子公武字子止。

珊瑚詩話：『靖康間（晁）以道復起，女弟四娘適唐氏者，頗諳其出焉！』（丁傳靖所輯宋人逸事彙編卷六引）

家事舊聞

太傅諱軫，字齊卿，性質直，雖在上前，不少改。昔爲館職，嘗因奏事，極言治亂，累笏指御榻曰：『天下奸雄睥睨此座者多矣，陛下須好作，乃可長保！』明日，仁祖以其語告大臣，取陸軫淳直如此。

楚公諱佃，字農師，使虜歸，攜所得獍，至京師。先君言，猶記其狀：如大鼠而極肥臃，甚畏日，偶爲隙光所射，輒死。性能糜肉，一鼎之肉，以獍一瓣投之，旋即糜爛，然虜人亦不以此貴之，但謂珍味耳。楚公使虜時，館中有小胡，執事甚謹，亦能華言，因食夾子，以食不盡者與之，拜謝而不食。問其故，曰：『將以遺父母。』公喜，更

多與之，且問識此何物也？曰：『人言是石榴。』意其言食餽也。又虜人負載隨行物，不用兵夫，但遇道上行者，卽驅役之耳。一日將就馬，一擔夫訴曰：『某是燕京進士，不能負擔。』公笑爲言而遣之。


祖母楚國鄭夫人，撫視庶子，與己子等。先君與四十二叔父提舉公諱棠字元珍同歲。方懷孕時，祖母作襦襟二副，付侍者曰：『先產者先用之。』已而八月祖母生先君，九月杜支婆生叔父，相距才二十餘日也。先世以來庶母皆稱支婆

楚公言：遼人雖外竊中國禮文，然實安於夷狄之俗，南使過中京，舊例有樂來迎，卽以束帛與之。公以十一月二十日至中京，遼人作樂受帛自若也。明且，逐使輒止不行，曰國忌行香。公照案牘，則虜忌正二十日也。因移文問，虜曰：『去年昨日作忌，今年今日作忌，何爲不可。』蓋利束帛，故徒忌日耳。又西遼送使聞其主喪，而不能作哀也，但以墨減幘頭之光。行數日，旣除服，則佩服如常矣。獨副使哀洗幘頭，見者大笑。公平生待物以誠，雖於夷狄不變也。因從容與話，使洗之，副使亟謝。

先君諱宰字元鈞。言青州王沂公所居坊，有榜曰三元文正之坊。又嘗見沂公初登第，報其父書曰：『曾今日殿前唱名，遂忝第一，皆先世積德，大人教訓所致，然此亦

世間有底事，大人不須過喜。」因言楚公登科時，第四人張中，在殿廷甚喜，挈楚公手曰：「如何得鄉里知去？」楚公不答。及歸，密謂親曰：「此殆非遠器也！」中為明州象山縣官，坐私與高麗人朴寅亮唱和詩，停官，終身沈滯。雖一時不幸坐法，亦器宇非遠大也。

世系表



註一：次序未詳。
 註二：所出未詳。

陸氏大墓表 文集卷三十九

山陰陸氏大墓，九里袁家嶼曰二評事諱愔，配李氏祔，是爲某之七世祖；九評事諱郇，配范氏祔，是爲某之六世祖；光祿卿贈太子太保諱昭，配福昌縣君，贈昌國夫人李氏祔，是爲某之五世祖。九評事家前少右，有小冢，或以爲殤子，昌國家傍，又有冢差小，或以爲其娣，不可考也。四世祖太傅公，始別葬焦塢；而元配靖安縣君贈崇國夫人吳氏，猶祔大墓。紹聖九年，先大父楚公，懼寢遠失傳，墓上皆列石表。自是距今又九十五年，中更兵亂，惟太保冢可識；餘皆迷不知處，歲時祭於太保冢前而已。淳熙十二年三月，或爲某言；鄉民鋤麥，得石表草間，蓋陸氏祖墳，亟往視之，則二評事冢也，幸不毀。乃從父老參訂，不三日，盡得之。石表皆在，封識如新，而地多爲人冒沒。聞某至，迭相質證，於是侵地皆歸，培冢築垣，闢道薙木，而陸氏大墓皆復其故。某老矣，羣從有曾孫行，其視二評事已十世；世益遠，則大墓守護或益怠，故具書始末於石，以告後之人。淳熙十二年正月日，朝請大夫權知嚴州軍州事某謹書

宋方勺、泊宅編：『會稽山爲東南巨鎮，周迴六十里。北出數壠，葬者紛紛，得正壠者越